

EXPOSIZIUN PUBLICA DA COOPERAZIUN TAR LA PLANISAZIUN DIRECTIVA DAL GRISCHUN; REGIUN MALÖGIA

Adattaziun dal Plan directiv chantunal e regional en il sector traffic sin via, extensiun tract Segl Föglias – Plaun da Lej cun vial da velos e extensiun tract Silvaplana – Segl cun colliaziun da velos

Il Plan directiv chantunal dal Grischun sco er il Plan directiv regional da la regiun Malögia vegnan adattads en il sector Traffic sin via (chapitel 6.2). L'adattaziun dal Plan directiv ha l'intent da fixar ils objects 11.TS.02a „extensiun tract Segl Föglias – Plaun da Lej cun vial da velos“ e l'object 11.TS.02b „extensiun tract Silvaplana – Segl cun colliaziun da velos“.

Ils suandants documents dal plan directiv èn exponids publicamain:

- ? Extract da la charta chantunala dal Plan directiv e glista d'objects chap. 6.2 Traffic sin via
- ? Adattaziun dal Plan directiv regional Malögia, chap. 6.2 Traffic sin via
- ? Explicaziuns davart l'adattaziun dal Plan directiv chantunal e regional en il sector Traffic sin via

Cun l'exposiziun publica e cun la consultaziun vegnan garantidas l'infurmaziun e la cooperaziun da la populaziun tenor l'art. 4 da la Lescha federala davart la planisaziun dal territori (LPT) e tenor la legislaziun chantunala davart la planisaziun dal territori (art. 7 OPTGR). Durant l'exposiziun publica pon tut las personas interessadas far objecziuns e propostas en scrit.

Ils documents èn exponids publicamain (durant 30 dis) **dals 20 d'october fin ils 19 da november 2025.**

Lieus d'exposiziun:

Las actas vegnan exponidas publicamain en ils suandants lieus:

- ? Uffizi per il svilup dal territori, Ringstrasse 10, 7000 Cuira
- ? Regiun Malögia, Quadratscha 1, 7503 Samedan

Dals documents d'exposiziun pon ins prender invista durant las uras da biro localas / las uras d'avertura dal spurtegl localas.

Ils documents d'exposiziun pon er vegnir consultads sin la pagina d'internet da l'Uffizi per il svilup dal territori (www.are.gr.ch sut Actualitads) sco er da la regiun (www.regio-maloja.ch sut Actualitads).

Propostas ed objecziuns en scrit:

Propostas ed objecziuns en scrit pon la populaziun ed ils circuls interessads inoltrar fin il pli tard ils 19 da november 2025 a l'Uffizi per il svilup dal territori, Ringstrasse 10, 7000 Cuira, ubain a la regiun Malögia, Quadratscha 1, 7503 Samedan

Samedan, ils 16 october 2025